



BOSNALIJEK Zatraženo produženje pritvora za tri mjeseca

ARSLANAGIĆ SA RAČUNA PODIGAO 220.000 KM, ARAKA

Pribavljeni su i Sudu dostavljeni podaci iz inostranstva, a koji su vezani za osumnjičene, podaci iz Centralne banke BiH, zatim podaci o dionicama registrovani u Komisiji za vrijednosne papire BiH, rekao je Kreštalica

Sarajevski tužilački dvojac Sead Kreštalica i Sanin Bogunić jučer je od Vijeća sarajevskog Kantonalnog suda, kojim je predsjedavala sutkinja Svjetlana Milišić - Veličković, zatražio produženje pritvora za još tri mjeseca za oca i sina Arslanagić, Edina i Amara, te Šefika Handžića i Hasana Šepu, osumnjičene da su kao zaposlenici firme Bosnalijek d.d. Sarajevo, Brštanica d.o.o. Sarajevo i Carpe Diem Sarajevo počinili krivična djela organizirani kriminal, porezna utaja, krivotvorenje službene isprave i sklanjanje štetnih ugovora.

Razlozi

Pritvor je, pojasnio je Kreštalica, zatražen jer bi puštanjem na slobodu osumnjičenih javnost bila uznemirena. Za Šepu je pritvor zatražen i zato što bi boravkom na slobodi, po mišljenju Tužilaštva, mogao utjecati na svjedoke i istragu. Kreštalica je naveo da su Sudu dostavljeni dokazi o do sada saslušanim svjedocima, te nalaz koji je uradio vještak finansijske struke, dokumentacija pribavljena od banaka...

- Do sada je saslušan 31 svjedok, a prethodno još 38. Radi se o organizovanoj grupi u kojoj je svaka osoba imala svoju ulogu, naveo je Kreštalica.

Ukazujući na moguću Šepin utjecaj na svjedoke, on je kazao da je Seada Vatrića, Berzada Balića i Safetu Stanogorac već usmjeravao kako trebaju dati iskaze, a u cilju "izbjegavanja krivičnog gonjenja". Kreštalica je naveo da su pribavljeni podaci iz inostranstva vezani za osumnjičene, podaci iz Centralne ban-



Odbrana traži da se prijedlog odbije

Foto: D. TORCHE

ke BiH, zatim podaci o dionicama registrovani u Komisiji za vrijednosne papire BiH i ugovori o kupoprodaji nekretnina na ime Amara Arslanagića.

- Otvoren je i sef osumnjičenog Šepe, odakle je izuzet novac. Prikupljeni su podaci svih banaka na području BiH. Tužilaštvo je od Suda zatražilo da blokira sredstva na računima osumnjičenih, ali zbog neažurnosti Suda, u međuvremenu je došlo do smanjenja vrijednosti na računima osumnjičenih. Tako je u ProCredit banci sa računa Amara

Arslanagića podignuto 220.000 KM, od čega je na otplatu kredita otišlo 76.000 KM, na uplatu kazni 36.000 KM, na advokate 81.900 KM, te gotovine 65.000 KM, riječi su tužitelja Kreštalice, koji je ovaj predmet ocijenio obimnim i složenim, zbog čega na njemu rade i FUP, SIPA i Porezna uprava FBiH.

Njegov kolega Sanin Bogunić je kazao da su osumnjičeni u rodbinskim, tazbinskim i prijateljskim odnosima.

Odbrane osumnjičenih su se usprotivile. Edina Rešidović, Senka Nožica, Vahidin Kadić i Nermin Vila, advokati oca i sina Arslanagić, te osumnjičenog Handžića su kazali da tužitelji niti jednom riječju nisu obrazložili naročite okolnosti zbog kojih bi njihovi klijenti trebali ostati u pritvoru. Zatražili su da se prijedlog odbije, te se eventualno odrede mjere zabrane. Kadić je kazao da Edin Arslanagić ima 70 godina, nikada nije osuđen, tri godine je u penziji, što Sud treba da ima u vidu. Vila je ukazao na Handžićevo loše zdravstveno stanje: život mu je u opasnosti. Nožica je nave-

Upozorenje tužitelju

Sutkinja Adisa Zahiragić, članica Vijeća, upozorila je tužitelja Seada Kreštalicu kada je kazao da Sud nije bio ažuran po zahtjevu Tužilaštva da se blokiraju računi osumnjičenima. "To je nepoštovanje Suda, zbog čega ga upozoravam. Sud nije ničiji servis i Sud mora ostaviti utisak da smo nepristrasni", kazala je, između ostalog, Zahiragić.

Page: 8

Reach: 0

Country: BOSNIA AND HERZEGOVINA

Size: 444 cm2

2 / 2

la da javnost zapravo uznemiruju tužitelji svojim izjavama o podizanju novca sa računa Amara Arslanagića, što, smatra ona, nema veze sa predmetom. Advokat Senad Kreho, koji brani Šepu, kazao je da su on i njegov branjenik prikupljali izjave od svjedoka u sklopu svoje istrage, na šta, pojasnio je, imaju pravo po Zakonu.

- Kako će Šepo utjecati na svjedoke kad su oni već dali izjave Finansijskoj policiji, upitao je Kreho.

Istraga

U akciji Buyer, osim osumnjičene četvorke, uhapšeni su Samir Telibečirević, Aida Selvić, Izet Arslanagić i Jasmin Šepo, koji se trenutno brane sa slobode. Istra-

gom je obuhvaćen i Bojan Kebe, za kojim je raspisana međunarodna potjernica. Svi se terete da su protuzakonitim pribavljanjem imovinske koristi oštetili kompaniju Bosnalijek za više desetina

miliona KM, te da se na čelu organizirane grupe, koja je djelovala od 2002. do 2012, nalazio Edin Arslanagić.

A. BRKIĆ-ČEKIĆ



Tužilački dvojac